



Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt XVI. Explicatur & alia ratio dilationis; inde petita, vt hominum genus variis interea significationibus præpararetur.

[urn:nbn:de:hbz:466:1-46059](#)

232 DE CHRISTIANA LIBERTATE
postremis videlicet temporibus venit: ne, si statim à
principio venisset, dixissent possibile fuisse, ut per le-
gem quis, propriisque laboribus & meritis saluaretur,
ut enim istam Iudeorum impudētiam obiuraret, mul-
tum temporis tardando insumpsit. ita vt posteaquam
omnino conuictum esset & clarum, neminē ex leipo
saluari posse, tunc primū per ipsius gratiam salus ad-
esset. Hæc Chrysostomus. Erant etiam homines durj
& rebelles, minimeque assueti iugo Domini porrādo.
Fuerunt ergo primū edomādi iugo Legis, & terrore
eius in officio continendi: quo sic à Lege tanquam pa-
dagogo ad Christum magistrum ducerentur: & qui
metu iam honestè viuere assueuerant, faciliùs, & ex
amore iustitiae, Christo præceptorī deinceps obedireb.
Idcirco Iudæis quidem Lex pædagogus fuisse dicitur
ad Christum, ad eumq̄ue vsum ordinata esse in manu
mediatoris, donec veniret semen: vt paulatim magnus
ille qui per vniuersum genus humanum iacebat egro-
tus, præpararetur ad suscipiendū medicum Christum.
Et hæc quidem prima sit ratio, quæ à diuino Augustino
sæpe redditur.

CAPUT XVI.

*Explicatur & alia ratio dilationis; inde petita, vt hominum
genus variis interea significationibus præpararetur.*

SECUND A eiusmodi est. non modò erat agendum
Hoc cum hominibus egris, vt intelligerent sibi me-
dicum esse necessarium: verum etiam erant multo an-
tè præparandi, vt crederent esse medicinam sibi repo-
sitā in Filio Dei, homine factō, & mortuo. Quia enim
mira illa adeoque inusitata fuit medendi ratio, facile
eam infirmi respuissent, non credentes se posse hac
ratione sanari, etiamsi laborare se graibus vitiorum
morbis non dissisterentur. Ea quippe de causa, crucis
prædicatio Gentilibus stultitiae loco fuit: quod, tametsi
naturæ

naturæ vitia morbosque varios multi non ignorarent, tamen hac via reduci hominum animos ad virtutis ac iustitiae sanitatem posse non existimarent. Hanc Leo tradit rationem Serm. 3. de Natiuitate; eandemque explicat eiusmodi verbis: Sapientia, inquit, & benignitas Dei, hac salutiferi operis mora, capaciores nos suæ vocationis efficit: ut quod multis signis, multis vocibus, multisque mysteriis per tot fuerat secula prænuntiatum, in his diebus Euangelij nō esset ambiguum: & natuitas, quæ omnia miracula omnemque intelligentiam erat excessura mensuram, tanto constantiorem in nobis gigneret fidem, quanto prædicatio eius & antiquior præcessisset, & crebitior. Et iterum Serm. 13. de Passione Domini: Sic, inquit, congruebat illos populos erudiri, ut quæ reuelata non caperent, obumbrata susciperent: & maior Euangelij esset auctoritas, cui tot signis totque miraculis atque mysteriis veteris Testamenti paginæ deseruissent. Sic Leo Pontifex. Hinc arbitror tempore Christi dici regiones albas ad messem fuisse: quod essent populi circumcisorum præ Gétium nationibus, Propheticis prænunciationibus instructi atque præparati ad suscipiendum Euangelium. Propterea que increpiti iure Pharisæi, quod non à seipsis, rebusque in medio positis, iudicarent quod iustum esset: ac quicunque recusarunt Christum recipere, pertinaciter obfirmateque Mosaicis decretis insistentes, ex ipsa Lege per Apostolos redarguti cōuictiique sunt. Itaque tam diurna, tam varia prænunciatio mortis resurrectionisque Domini, & redemptionis per crucem futuræ, multum valuit apud vel mediocriter intentos, ad Christū, venientem in propria, complectendum. Eademque modò animos nostros confirmat in fide ratio, ut non dubitemus esse diuinum, quod tanto antè tam variè fuerit prænunciatum. Sic omnino nostræ infirmitati sua Dominus benignitate consuluit, ne resilire-

234 DE CHRISTIANA LIBERTATE
mus ab Euangeliō propter stupendam rerum magnitudinem & nouitatem: ut & nihil detrimenti paterentur priores, & in posterioribus fides isto modo stabilitur, eiusque renincerentur hostes, qui admodū multi futuri erant. Hoc, inquit Augustinus, totum prophetandum fuit, prænunciandum fuit, venturum commendandum fuit, ut nō subito veniens horreretur, sed creditum exspectaretur. Sic breuiter in Psalm. 109, Pharisei verò plerique puerorum more fecerunt: qui cùm tanquā elementis & disciplinis inferioribus preparari debuissent ad superiores capessendas; his contemptis, illis inhæserunt. Ideoque ut semper parvuli sub elementis mundi seruientes, nunquam in viros euaserunt, imò & in sua iniquitate perierūt. Adiunctionur & aliæ causæ minoris momenti. Quia nempe doceret, ut tantum nostræ libertatis principem, lōga præconum series anteiret. Rursumque ideo tardius consulto venisse, ne prolixitate temporis fidei feruor teperciceret. nam id solere tandem euenire confpicimus: & propterea dictum videatur Lucæ 1.7. Filius hominis veniens, putas inueniet fidem in terra? In paucis enim tum inueniet fidem, incredulatum comparatione turbarum; in paucissimis perfectam, vereque excellērem. Quanto igitur grauius ac diuinius id fuisset malum, si nullam Christus venieendi moram fecisset? Ac illi quidem aduersus hūc languorem in promptu fuissent remedia. Qui enim dat hominibus fidem, facile etiam conseruat, & in quibus vult, & quamdiu vult: verum sic ordinariè sua dona largitur, ut tamen penitus quæ sunt humani moris, non auferat. Item & illa iungi potest ratio: ut declararetur seueritas diuinæ iustitiae, quæ ad tantos luctus & clamores & miseriam hominum, noluit statim commoueri ut veniret: sed multo tempore hominū genus dereliquit, paucissimos quosdam saluans per fidem: ut palam fieret quid mereretur peccatum

Consule Be-
dara, in lib.
quest. sub
finem.

catum, & quām graue fuisset delictū, cui sic indignatur Dei iustitia. Ob hoc etiam, non statim per Christum restituit hominem pristino statui: sed cum multis viatorum fibris, innumerās relinquit huius vitæ pœnas & ætumnas. Ac seruati quidem fuissent tum forsitan multi qui nunc in damnatione sunt, si Christus ante multo venisset. Verūm eripere illos ab interitu funestaq. seruitute non absolute statuerat Deus: atque in id maximè tempus distulit ortus electorum plurimorum, quo erat ipse venturus. Istoque modo & serò veniens, tam multos saluos fecit quām voluit.

CAPUT XVII.

*Rationem dilationis estimandam propriè ex ordine
publicæ curationis.*

BONVM præterea publicum anteposuit priuato. Proinde cùm hoc ordo publicæ curationis exiget, vt serò veniret; hanc utilitatem communem præposuit priuatæ saluti quorundam: quos si libertate donare voluisse, nullo id negotio potuisset per fidem venturi, sicut pauculos illos saluos fecit. In alios ergo iustum iudicium declarauit: in alios gratiæ suæ & summae miserationis beneficium. vt hoc quidem præcipue loco, illa Apostolicæ admirationis exclamatio usurpanda videatur: O altitudo diuinarum sapientiæ & scientiæ Dei! quām incomprehensibilia sunt iudicia eius! Publicæ autem curationis ordinem explicauit Augustinus libro octoginta trium quæstionum, quæstione 44. Sicut, ait, absurdus est qui iuuenile tantum ætatem vellit in homine temporibus subdito: sic absurdus est, qui in ipso vniuerso genere humano, vnam ætatem desiderat. Nam & ipsum tanquam unus homo, ætates suas agit: nec oportuit venire diuinitus magistrum, cuius imitatione in mores optimos formaretur, nisi tempore iuuentutis. Ad hoc valet quod Apostolus